



**ADDENDA PARA A PRÓRROGA DO CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACIÓN DE EMPRESARIOS GALEGOS DO URUGUAI (AEGU) PARA O FOMENTO DA COOPERACION ENTRE EMPRESARIOS DE ORIXE GALEGA DE URUGUAI E EMPRESARIOS GALEGOS DE GALICIA**

**REUNIDOS**

Dunha parte, Covadonga Toca Carús en nome e representación do Instituto Galego de Promoción Económica (en adiante, Igape), co NIF Q6550010J e domicilio social en Edificio Igape, Complexo Administrativo San Lázaro, s/n, 15707 Santiago de Compostela, na súa calidade de directora xeral. Está facultada para este acto en virtude da delegación de facultades recollida na Resolución do 17 de outubro de 2023 (DOG núm. 203, do 25 de outubro de 2023).

E doutra, Jorge Expósito Domínguez, en nome e representación da Asociación de Empresarios Galegos do Uruguai (AEGU), RUT 215728250013, con domicilio na rúa Tiburcio Gómez 1330, na súa calidade de presidente.

As partes comparecentes recoñécense mutuamente plena lexitimación, capacidade e representación, para a sinatura do presente convenio e para estes efectos,

**MANIFESTAN**

**PRIMEIRO.-** Que o Igape e AEGU asinaron o 1 de agosto de 2025 un convenio de colaboración co fin de promover a cooperación entre empresarios e profesionais de Galicia e empresarios socios da Asociación de Empresarios Galegos de Uruguai.

**SEGUNDO.-** Que o obxectivo do convenio é regular a colaboración entre o Igape e a AEGU para o fomento da cooperación entre empresarios galegos de Galicia e os empresarios de orixe galego de Uruguai co obxectivo de fortalecer os negocios e alianzas deste colectivo

**TERCEIRO.-** Que a realización das accións da AEGU representa un importante valor tanto para as institucións galegas como para as empresas galegas que poidan beneficiarse. As ditas accións están encamiñadas, entre outras, a incrementar as relacións entre os empresarios asociados a AEGU e o Igape e, en xeral, a Xunta de Galicia. As distintas accións buscarán favorecer os contactos, promover acordos de colaboración que contribúan a facilitar posibles investimentos en Galicia así como a que empresas galegas incrementen as súas redes comerciais e presenza en Uruguai.

**CUARTO.-** Que a cláusula sétima do convenio prevé a posibilidade dunha prórroga por un ano adicional, ata o 30 de decembro de 2026, previo acordo das partes. O 14 de novembro de 2025 tivo entrada a solicitude de prórroga do convenio asinada polo presidente da AEGU.

Por todo o exposto, e con esta finalidade, as partes acordan formalizar a presente addenda de conformidade coas seguintes:

**CLÁUSULAS:**

**PRIMEIRA.-** Modifícase a cláusula terceira do convenio (Financiamento) nos termos que seguen:

- i. Substituír o cadro das accións a executar por parte de AEGU polo que se incorpora no anexo I desta addenda.



- II. O orzamento total estimado para anualidade 2026 será de trinta e tres mil euros (33.000,00 €) IVE non engadido.
- III. O Igape financiará a contía de trinta mil euros (30.000,00 €), con cargo á aplicación orzamentaria 09.A1.741A.640.0 dos orzamentos xerais da Comunidade Autónoma Galega para o ano 2026.
- IV. AEGU achegará tres mil euros (3.000,00 €) cos que cofinanciará as actividades recollidas no anexo I.

**SEGUNDA.-** Modifícase a cláusula cuarta do convenio (*Xustificación e pagamento*) nos seguintes termos:

1. O prazo de presentación da solicitude de cobramento no Igape comezará o día seguinte á finalización das accións indicadas no anexo I e rematará o 15 de decembro de 2026.

**TERCEIRA.-** Modifícase a cláusula sétima do convenio (*Vixencia e causas de resolución*) nos seguintes termos:

Prorrógase a vixencia do convenio ata o 30 de decembro de 2026.


**CUARTA.-** Declárase expresamente a vixencia do restante contido e clausulado do convenio asinado o 1 de agosto de 2025, o cal manterá a súa plena validez nos termos en que fora redactado, sendo de aplicación igualmente a presente addenda.

E en proba de conformidade, as partes asinan a presente addenda o 31 de decembro de 2025.

Polo **IGAPE,**

Covadonga Toca Carús  
A directora xeral

Pola **AEGU,**

  
Jorge Expósito Domínguez  
O presidente





ANEXO I  
PROPOSTA DE ACCIÓNS PARA O ANO 2026

Don/Dona ..... con DNI ..... en nome e representación da entidade  
..... con número de identificación fiscal .....

**DECLARO**, baixo a miña responsabilidade, que a entidade a que represento ten planificado levar a cabo, o amparo do presente Convenio, as seguintes accións ao longo do 2026:

Actividades	Orzamento
<b>Organización de GALTECH:</b> evento empresarial e tecnolóxico que busca conectar empresarios, startups, académicos e profesionais vinculados a Galicia e Uruguai co obxectivo de impulsar a innovación, a dixitalización, o intercambio comercial e o desenvolvemento de novos negocios.  O evento contará con conferencias, paneis, networking e exhibicións de empresas de base tecnolóxica que presentan os seus proxectos e solucións. O que diferencia a GALTECH 2026 doutros eventos similares é o seu enfoque na participación da comunidade galega en Uruguai a través de AEGU, creando unha ponte virtual empresarial e tecnolóxico, entre os territorios.	30.000,00 €
Gastos de persoal	3.000,00 €
<b>TOTAL CONVENIO</b>	<b>33.000,00 €</b>

En ....., a ..... de ..... de .....

Asdo.: .....

